



Parlamentarna komisija odgovorna za reviziju
Parlamentarno povjerenstvo odgovorno za reviziju

Парламентарна комисија одговорна за ревизију

Broj: 04/1-02-504/25-2
Sarajevo, 28.2.2025. godine

**ČLANOVIMA
PARLAMENTARNE KOMISIJE
ODGOVORNE ZA REVIZIJU**

Dana 25.2.2025. godine održana je 14. sjednica Parlamentarne komisije odgovorne za reviziju Parlamenta Federacije BiH (u daljem tekstu: Komisija). Sjednici Komisije prisustvovalo je 12 od ukupno 14 članova Komisije, samim tim ispunjeni su svi uslovi za punovažan rad u pogledu kvoruma i odlučivanja. Pored članova Komisije, na 14. sjednici su bili i Mirza Kudić, generalni revizor Ureda za reviziju institucija u Federaciji BiH i Nina Džidić, zamjenica generalnog revizora u Uredu za reviziju institucija u Federaciji BiH.

Predsjednik Komisije je predložio **dnevni red** koji je jednoglasno usvojen, a koji glasi:

1. Usvajanje zapisnika s 13. sjednice Parlamentarne komisije odgovorne za reviziju,
2. Prijedlog izvještaja Parlamentarne komisije odgovorne za reviziju o revizorskim izvještajima revidiranih subjekata i korisnika budžeta Federacije Bosne i Hercegovine za 2021., 2022. i 2023. godinu,
3. Tekuća pitanja.

Na osnovu člana 44. Poslovnika Predstavničkog doma i člana 41. Poslovnika o radu Doma naroda, a u vezi sa članom 54. Poslovnika Predstavničkog doma Parlamenta i člana 52. Poslovnika o radu Doma naroda Parlamenta Federacije BiH, Komisija podnosi sljedeći:

IZVJEŠTAJ

1. Usvajanje zapisnika s 13. sjednice Parlamentarne komisije odgovorne za reviziju,

Predsjednik Komisije upoznao je članove Komisije sa prvom tačkom dnevnog reda, odnosno sa Zapisnikom s 13. sjednice Komisije. Kako niko od prisutnih članova nije imao primjedbe na Zapisnik, nakon stavljanja istog na glasanje, Komisija je jednoglasno usvojila Zapisnik s 13. sjednice Parlamentarne komisije odgovorne za reviziju

2. Prijedlog izvještaja Parlamentarne komisije odgovorne za reviziju o revizorskim izvještajima revidiranih subjekata i korisnika budžeta Federacije Bosne i Hercegovine za 2021., 2022. i 2023. godinu,

Predsjednik Komisije otvorio je raspravu o drugoj tački dnevnog reda, nakon čega je riječ data sekretaru Parlamentarne komisije odgovorne za reviziju da ukratko obrazloži dostavljeni

prijedlog izvještaja u tehničkom dijelu prilikom njegove izrade. Nakon kraćeg izlaganja sekretara Komisije, svi članovi Komisije saglasni su da je prijedlog izvještaja u tehničkom dijelu dostavljen jako dobar na način da isti pokazuje zbirni pregled svih revidiranih godina i datih mišljenja za revidirane subjekte i godine, te može poslužiti za dalju izradu konačnog izvještaja prema Parlamentu Federacije BiH, ali da nedostaju konkretni i imperativni zaključci, te je potrebno u tom dijelu doraditi prijedlog izvještaja. Nakon toga otvorena je rasprava u kojoj su učestvovali skoro svi članovi Komisije i predstavnici Ureda za reviziju institucija u Federaciji BiH koji su iznosili svoje prijedloge i sugestije, nakon čega su članovi Komisije jednoglasno usvojili sljedeći:

Zaključak:

Članovi Parlamentarne komisije odgovorne za reviziju će do 15.3.2025. godine sekretaru Komisije dostaviti svoje prijedloge Zaključaka, koji će se na narednoj sjednici Komisije naći pred svim članovima Komisije na glasanju i usvanjaju istih. Usvojeni zaključci će postati sastavni dio izvještaja Parlamentarne komisije odgovorne za reviziju o revizorskim izvještajima revidiranih subjekata i korisnika budžeta F BiH za 2021., 2022. i 2023. godinu, koji će biti upućen u dalju parlamentarnu proceduru.



**ZAMJENIK PREDSEDNIKA
PARLAMENTARNE KOMISIJE
ODGOVORNE ZA REVIZIJU**

Damir Džeba, v.r



**PREDSEDNIK
PARLAMENTARNE KOMISIJE
ODGOVORNE ZA REVIZIJU**

Elvir Karajbić, s.r.